



## ممنفعتکن موسیم چوتی سکولہ

17 جنواری 2024 | 17 رجب 1446ھ

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ مِنْ  
شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ فَلَا مُضِلَّ  
لَهُ، وَمَنْ يَضِلَّ فَلَا هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ  
سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ عَلَى  
سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُمْ بِإِحْسَانٍ إِلَى  
يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ وَأَوْصِيكُمْ وَإِيَّايَ بِتَقْوَى  
اللَّهِ، فَقَدْ فَازَ الْمُتَّقُونَ.

ماریلہ کیت برساما-سام منیعتکن کتقوان کفد اللہ ﷺ  
دغن ملقساناکن سکالا قریتتھن دان منیعتکن سکالا  
لارغثن. مودہ-مودھن کیت دبرکتی دان درضای اللہ

ﷺ ددنيا دان اخره.

سيدغ جمعة يغ درحمتي الله ﷺ

چوتي سکوله اداله ساغت يغ دننتي - ننتيکن اوليه انق ۲  
کران مریک ماهو بیس درقد بوکو ۲ فلاجرن، اکتیوتی  
کوکوریکولوم اتاو فون کلس تمبهن. اینیله ماساڻ اونتوق  
مریک بریحت، برسرونوق دان ملاکوکن سسواتو یغ  
دسوکاءي اوليه مریک.

سبئرڻ ماس چوتي فرسکولهن بوکنله اونتوق دهاییسکن  
سفنوهڻ دغن برسرونوق دان ملوفاکن تروس فلاجرن  
سکوله. ایو باف مستیله مرانچغ اکتیوتی یغ داغت  
ممنفعتکن ماس چوتي سکوله انق ۲ مریک دغن سباءیق -  
باءیقڻ.

فرلو دایغت بهاوا قد موسیم چوتي سکوله اینیله فلباکاي  
فریستیوا اتاو تراکیدی کر فکالي برلاکو سفرتی کمالغن  
جالنرای، ماتی لمس دان لاءین ۲. اوليه ایت، بنتوله  
انق ۲ مغوروسکن ماس چوتي باکي ممستیکن مریک  
سلامت. دمکین جوک، بنتوله مریک اکر تیدق ترجبق

دغن اکتیویتی سوسیال یغ تیدق بر مورل دان مرو سقن  
 سفرتی مرمقیت، مغهیسف روکوق دان ویف سهیغک  
 ترجبق دغن فناکیهن داده. توکس کیتاله مندیدیق مریک  
 سباکایمان سبدا رسول الله ﷺ دالم حدیث یغ دروایتکن  
 اولیه امام البخاری:

كُلُّ مَوْلُودٍ يُوَلَّدُ عَلَى الْفِطْرَةِ فَأَبَوَاهُ يَهُودَانِهِ أَوْ يَنْصَرَانِهِ أَوْ  
 يَمَجْسَانِهِ

یغ برمقصود: ستیاف انق دلاهی رکن دالم کاداعن  
 فطره. مک کدوا-دوا ایو باقاپاله یغ اکن منجادیکن  
 انق ایت سآورغ یهودی، نصرانی اتاو مجوسی.

سیدغ جمعة یغ درحمتی الله ﷻ

ماس ایت عبارت امس، نامون کباپقن مائسی کادغ ۲  
 ترلوقا دان ترلیک اونتوق ممنفعتکن نعمت ماس لافغ  
 دان کصیحتن توبوه بادن دغن سبایق-باءیقش. رسول  
 الله ﷺ برسبدا دالم حدیث یغ دروایتکن اولیه امام  
 البخاری:

نِعْمَتَانِ مَغْبُونٌ فِيهِمَا كَثِيرٌ مِنَ النَّاسِ الصِّحَّةُ وَالْفَرَاغُ

یغ بر مقصود: دوا نعمت یغ سریغ ممقر دای ماءنسی؛  
کصیحتن دان کلا فغن ماس.

کتاهوئیله بهاوا اورغ یغ بیجق مغوروس ماس دغن  
ملاکوکن فرکارا یغ برفاءیده اداله اورغ یغ برجای.  
سبالیقش اورغ یغ لالای دان ممبواغ ماس اداله اورغ یغ  
روکی. فرمان الله ﷻ دالم سورة العصر ایات 1 هیثک 3:

بِسْمِ اللَّهِ الرَّحْمَنِ الرَّحِيمِ

وَالْعَصْرِ ﴿١﴾ إِنَّ الْإِنْسَانَ لَفِي خُسْرٍ ﴿٢﴾ إِلَّا الَّذِينَ  
ءَامَنُوا وَعَمِلُوا الصَّالِحَاتِ وَتَوَّصَوْا بِالْحَقِّ وَتَوَّصَوْا  
بِالصَّبْرِ ﴿٣﴾

یغ بر مقصود: دمی ماس! سسوغکوهن ماءنسی ایت  
دالم کروکین. کچوالی اورغ یغ برایمان دان برعمل  
صالح، دان مریک قولاً بر فسن- فسن دغن کبرن  
سرتا بر فسن- فسن دغن کصبرن.

سیدغ جمعة یغ درحمته الله ﷻ

امانه ایبو باف بوکن هاش ستاکت ممنوهی کفرلوان

فيزیکل دان فندیقن انق ۲ تتافی یغ لبیه اوتام ایاله مپمای  
 دالم دیری مریک نیلای ۲ اکام سجد درقد کچیل لانی.  
 کیت هندقله معمیل چونتوه لقمان الحکیم مندیق  
 انق-انقش. فرمان الله ﷺ دالم سورة لقمان آيات 17 یغ  
 بر مقصود:

واهای انق کسایغنکو، دیریکنله صلاة، دان سوروهله  
 ربوات کباءیقن، سرتا لارغله درقد ملاکوکن قربواتن  
 یغ موغکر، دان برصبرله اتس سکالا بالا بنچان یغ  
 منیمقامو. سسوغکوهش یغ دمکین ایت اداله دري  
 فرکارا ۲ یغ دکهندقی دأمیل برت ملاکوکنش.

فعاوسن ایوب باف کقد اهلی کلوارک اکر تیدق ترلیت  
 دغن فرکارا ۲ یغ مروکیکن دان منداتغن دوسا اداله  
 تغکوغجواب یغ فنتیغ دان اوتام. الله ﷺ بر فرمان دالم  
 سورة التحريم آيات 6:

يٰۤاَيُّهَا الَّذِيْنَ ءَامَنُوْا قُوْا اَنْفُسَكُمْ وَاَهْلِيْكُمْ نَارًا وَقُوْدهَا  
 النَّاسُ وَالْحِجَارَةُ عَلَيْهَا مَلَائِكَةٌ غِلَاظٌ شِدَادٌ لَا يَعْصُوْنَ  
 اِلَّا مَّا اَمَرَهُمْ وَيَفْعَلُوْنَ مَا يُؤْمَرُوْنَ ﴿٦﴾

یغ بر مقصود: واهای اورغ یغ برایمان، قلیهاراله  
 دیریمو دان کلوار کامو دري افي نراک یغ باهن باکرث  
 اداله مائسی دان باتو؛ فنجاکاښ ملائکه ۲ یغ کاسر،  
 کرس، دان تیدق مندرهاکای الله ترهادف اف یغ  
 دفرینتهکنش کغد مریک دان سلالو مخرجاکن اف یغ  
 دفرینتهکن.

جوسترو جاغنه سسکالی ممیارکن انق ۲ مغهاییسکن  
 ماس چوتی سکوله دغن فرکارا یغ تیدق برفاءیده.  
 چونتوهن منونتون سیارن دان فروکرم دتیلیویشن تنقا  
 فغاوسن، برماین کایم (game-فرماینن) دتیلیفون  
 فینتر تنقا حد ماس دان برجومفا کاون ۲ تنقا مغيرا ماس  
 سیاغ اتاو مالم.

سباکای ایبو باف جوک هندقله سنتیاس بردعاء اونتوق  
 کسجهتراءن انق ۲ کران دعاء ایبو باف بولیه مپیکن  
 کهیدووقن انق درحمتی، دبرکتی دان دلیندوغي درقد  
 سکالا بنچان. فرمان الله ﷻ دالم سورة الفرقان آیات

:74

أَعُوذُ بِاللَّهِ مِنَ الشَّيْطَانِ الرَّجِيمِ

وَالَّذِينَ يَقُولُونَ رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا  
 قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا ﴿٧٤﴾

یغ بر مقصود: دان اورغ یغ برکات، ”واهاي توهن کامي، انوکرهکنله کفد کامي فاسغن کامي دان کتورونن کامي سباکاي فینغ هاتي (کامي)، دان جادیکنله کامي قمیمشین باکي اورغ یغ بر تقوی.“

سیدغ جمعة یغ درحمتي الله ﷻ

ترداقت برماچم-ماچم اکتیویتی یغ بولیه درانچغ دان دلقساناکن فدموسیم چوتی فرسکولهن سفرتی معاجق انق ۲ منونایکن صلاة فرض سچارا برجماعه دمسجد. دسمشیغ ایت، بیمیغله انق ۲ ممقلاجری القرءان. اجقله مریک ممبتو کر جا ۲ درومه دان منزیارهی سانق ساودارا. باواله انق ۲ ملاوت کتمقت-تمقت مناریق دنکری کیت خصوصش سفرتی کتمقت-تمقت برسجاره اتاوقون، تمقت فرلنچوغن سفرتی تانه تیغکی، ائیر ترجون، سوغای، فتای، تامن نکارا دان لاین ۲ سکیراڭ چواچ معیذینکن. انق ۲ جوک بولیه ممفعتکن فرقوستاکاءن عوام دان بولیه دهنتر اونتوق مپرتائی کورسوس جغک

ڦينديق سفرتي ڪلس ICT، ڪلس فرض عين، ڪيم صلاة، ڪلس ۲ ڪماهينر اتاوا ڦ سهاج اڪٽيويٽي يڻ برسواين دان داڻ ممبري نيلاي تمبه ڪڦڊ ڦمبتوقن جاتي ڊيري انق ۲ ڪيت.

ڪسيمڦولنڻ، سباڪاي ايبو باڦ، ڪيت ڦرلو مغمبيل برت ترهادڦ اڪٽيويٽي انق ۲ سماس چوتي سڪوله. ايسيله ماس چوتي انق ۲ دغن ڦرڪارا يڻ برفاءيده تراوتاماش مندالمي اڪام دان ڪماهينر ۲ يڻ لاءين. اوروسڪن ماس انق ۲ دغن بائيق دغن مراعيڪن ڦرڪمبغن ايموسي، منتل دان فيزيڪل مريڪ. وسڦاداله دالم ملاڪون اڪٽيويٽي ۲ باڪي مغيلڪن برلاڪوڻ تراڪيڊي ڪڦڊ انق ۲. سموڪ انق ۲ ڪيت ترڦليهارا دموسيم چوتي سڪوله اين.

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّمَا أَمْوَالُكُمْ وَأَوْلَادُكُمْ فِتْنَةٌ وَاللَّهُ عِنْدَهُ أَجْرٌ عَظِيمٌ



يڻ برمقصود: سسوغڪوهن هر تا بندا ڪامو دان انق ۲ ڪامو ايت هاپاله منجادي اوجين، دان ديسي الله

جواله فها لا يثغ بسر.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ  
بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلْ مِنِّي وَمِنْكُمْ  
تِلَاوَتَهُ، إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ  
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،  
فَأَسْتَغْفِرُوهُ، إِنَّهُ هُوَ الْغَفُورُ الرَّحِيمُ.